

HE KUPU WHAKAMARAMA.

Kua oti te tuihitihi i a I Pita iii. 15, "kia rite tonu te kupu i a koutou, i nga wa katoa, hei whakahokinga atu ma koutou ki nga tangata katoa e ui ana ki a koutou, ki te mea e tumanakohia atu nei e koutou."

E toru tekau ma iwa nga whakarohe kua whakaritea mai e te Hahi nui o Ingarangi, he mea kia whakarerea ai nga whakaaro rere ke, kia whakapumautia ai hoki te whakaaro tahi ki nga mea o te Whakapono, o te Karakia.

Ko aua whakarohe he mea hanga mai i te tau 1582, i te wa i kitea ai te maha noatu o nga Kai-whakaako e whakatu ana i a ratou ano hei Ksi-whakahaere mo nga tikanga o te whakapono. He maha rawa no nga tikanga pohehe me nga kupu kuare e whakaingoatia ana ki te whakapono, huihui ana nga tangata tino matau, nga kaumatua taturu o te whakapono, a, i runga i a ratou whiriwhiringa whakaputaina au ana eratou ki te ao katoa aua whakarohe e toru tekau ma iwa, kua tapiritia mai nei kei te mutunga o a tatou Rawiri, ara koi nga Rawiri hou.

Ko aua whakarohe katoa he mea hanga ki runga ki te kaupapa o te whakapono, ara ki runga ki nga Karaipiture. He mea tika e hoa ma kia korero tonu tatou i aua whakarohe kia kimihi hoki e tatou te whakamaramatanga mo aua whakarohe i roto i nga Karaipiture.

Ko aua whakarohe nei hei tiaki i a tatou i nga wa e pupuhi mai ai nga hau katoa o te whakaako, nga maminga a te tangata, te tinihanga e mahia ai te whakapohēhe.

NGA WHAKAROHE.

I. Mo te Tokotoru Tapu kia whakapono-hia

"Kotahi rawa te Atua ora, te Atua pono, no tua whakarere, a ake tonu atu; kahore ona tinana, kahore ona wahī, kahore te mamae e pa ki a ia: kahore he mutunga mai o tona kaha, o tona mohio, o tona pai: ko ia te Kai-hanga, te Kai-whakau o nga mea katoa, o nga mea e kitea ana, o nga mea hoki kahore e kitea. Tāua Atua kotahi nei, he hunga Tokotoru: te Atuatanga o taua Tokotoru, kotahi tonu; te kaha, kotahi tonu; te ora o tua whakarere a ake tonu atu, kotahi tonu. Tāua Tokotoru nei, ko te Matua, ko te Tama, ko te Wairua Tapu."

Ka kitea ki konei te kupu whakahe mo te whakapono o mua mai ra no etahi tangata e ki nei he tangata te Atua. (I roto i enei ra ko nga "Momona," ara ko te Hahi o Ihu Karaiti o te hunga tapu o muri nei, te hunga kei te kauwhau i te tangatatanga o te Atua).

I. E ki ana te whakarohe tuatahi nei, "kahore ona, tinana, kahore ona wahī,

kahore te mamae e pa ki a ia." Tirohia i a Hoani 4: 24. Ihaia 40: 18, 25. Tiuteronomi 4: 15. Ruka, 24: 39. Hoani, 1: 18; 5: 37. Nga Mahi, 17: 24, 28, 29. Roma 1: 20, 21. 1 Timoti 1: 17; 6: 16.

"Kahore te mamae e pa ki a ia." Tauanga 23: 19. Maraki 8: 6. Hiperu 6: 17, 18. Hemi 1: 13, 17.

II 1. "Kotahi rawa te Atua ora, te Atua pono." Ekoruhe 3: 3, 14, 15; 6: 23; Tauanga 27: 16; Tiuteronomi 5: 26; Hohua 3: 10; 1 Hameura 17: 26; Nga Waiata 42: 2; 84: 2; Ihaia 42.9. Here-maia 10: 10; Raniera 6: 26; Matiu 16: 16; Hoani 17: 3; Nga Mahi 14: 15; Roma 9: 26; 2 Koriniti 6: 16; 1 Timoti 4: 10; 6: 17; Hiperu 10: 31; Whakakitenga 4: 8; 10: 5, 6.

2. "Kahore he mutunga mai o tona kaha." Kenehi 17: 1; 18: 14. Hopa 42: 2; Matiu 19: 26; Epeha 3: 20.

3. "O tona mohio." Kenehi 16: 13; 1 Hamuera 2: 3; 1 Kingi 8: 39; Hopa 26: 6; Waiata 44: 21; Mahi 15: 18; Roma 11: 33.

4. "O tona pai." Ekoruhe 15: 11. 1 Hamuera 2: 2; Waiata 86: 15; 118: 1; Raniera 9: 9; Hona 4: 2; Ruka 1: 77, 78; Roma 2: 4; 2 Koronti 1.3. Epeha 2: 4; Hiperu 6; 10. 1 Hoani 4.8.

5. "Ko ia te Kai-hanga onga mea katoa." Kenehi: te tahi me te rua o nga upoko. 2 Kingi 19. 15. Waiata 33. 6. Mahi 17: 24. Epeha 3: 9. Korohe I. 16. Whakakitenga 4: 11: 10. 6.

6. "Te Kai-whakau o nga mea katoa." Tiuteronomi 32: 39 &c. 1 Hamuera 2: 6; Hopa 12: 9; Waiata 22: 28. Ihaia 14: 27; 40: 11-13, 15, 22. Matiu 6. 25-30; 10: 29, 30. Roma 11. 36.

7. "No tua whakarere a ake tonu atu." Kenehi 21: 33. Tiuteronomi 33: 27; Waiata 9. 7; 90: 2, 4; Ihaia 44. 6; 57: 15. Roma 1. 20; 16: 26. 1 Tim 1: 17. Whakakitenga 1: 8; 5: 14; 10: 6.

Kati. He whakamarama tenei kia kite ai tatou ko nga Karaipiture te kaupapa o to tatou whakapono. Hei tetahi putanga etahi o nga kupu whakamarama.

Heoi e rere ra e te manu nei, a ma te Atua koe e manaaki, mana e whakatutuki te wahī i rite ai hei taunga atu mou. Haere me tau pikaunga, a ma te roa o te ra e whakaatu mai to mahi i oti i a koe.

No to koutou hoa i roto i nga mahi a te Ariki.

Na Peneti,
Nelson.